

鏡海樓詩稿

二

浙江圖書館

浙江圖書館




浙江圖書館



浙江圖書館



浙江圖書館



浙江圖書館



浙江圖書館



浙江圖書館

鏡海樓詩稿

刼餘集上

春日閒居 丁未

領畧閒居趣庭闈愛日長
落花流水徑春草讀書堂
時有幽禽語惟看野馬忙
狂歌聊自遣興在畫堂觴

月夜歸


月出眾星淡流光入柴扉
柴扉夜未掩行行乘月歸
偶然發長嘯林鳥驚南飛
陡覺心目清花露沾裳衣

韻篁館夜坐

蕭齋岑寂寄遙情枕簟新涼
夢未成池水明窗知月上



海昌楊鳳翰抑甫



秋風動樹覺潮生依然孤館寒蛩語何處高樓過雁聲
羸得詩心清似洗一編獨自對燈檠

舟行

危石橋將壓扁舟激箭過迴塘秋水漫落木遠山多煙
際聞人語風前送棹歌漁莊閒挂網草閣俯晴波

尖山竹枝詞

戊申

土背塘西舊板橋橋邊新翦柳千條儂家只在綠陰裏
樓對江頭早晚潮

吳儂生小住漁磯閒弄扁舟坐翠微終日鳳凰山在眼
生來不見鳳凰飛

游朱氏小園集杜

楚外貧家遠門聽長者車古苔生迳地細麥落輕花夕
照聞寒杵江聲走白沙自今幽興孰乘興即為家
暗水流花徑輕風生浪遲牽蘿補茅屋步屨過東籬勝
地初相引吾生亦有涯清秋望不極桐葉坐題詩

曉過桐畝

笑起輕^條送客舫船頭猶自閃殘星一湖水氣連天白
百里山光破眼青人語半從煙際得櫓聲長在枕邊聽
粼粼楊柳前頭路曉倦晴鳩霧漸醒

對菊集陶

歲月將欲莫懷此貞秀姿桑竹垂餘蔭日夕權相持揮
杯對孤影酒至輒傾卮此中有真意登高賦新詩
秋菊有佳色勁氣達襟袖來雁有餘聲南圃無遺秀卓
為霜下傑枝條始欲茂欲辨已忘言壺漿遠見候
清涼素秋節遺我遠世情素月出東嶺清歌散新聲灼
灼葉中花氣徹天象明達人解其會庶以善自名
露凝無游氛荆扉晝長閑挹露掇其英數斟已復醉慨
然知己秋日月依辰至從今至歲寒野外罕人事

郊外夜行

己酉

去去復何之暗風迎面吹荒祠孤拜月古墓鬼吟詩樹

黑疑人立燈青覺路歧前途村落近寒犬吠疏籬

敝裘和韻

殘冬風雪道途寒與爾相依意頗安百結痲應吹索易
卅年敝已改為難相如質久懽誰覓季子歸時泪未乾
早失慈烏作游子綫痕綻裂忍重看

歷盡風霜共歲寒棄捐篋笥我何安襤褸爾亦經新者
貧賤儂尤割愛難便與蒙戎羶片守絕憐瑁璫酒痕乾
縱非溫暖吾猶媿葛帔人多詎忍看

客舍寒食集句

庚戌

可憐寒食與清明高館張燈酒復清自是不歸歸便得

青袍今已誤儒生

過閑園贈高子封茂才

濟川集杜

故繞池邊樹溪風為颯然喜無多屋宇悵望好林泉雲
卧衣裳冷江鳴夜雨懸幽居在空谷森木亂鳴蟬
城郭終何事幽偏得自怡卑枝低結子小水細通池良
會不復久少壯能幾時綠尊須盡醉來往亦無期

春陰

清明節近鷓鴣啼晷畫前溪與後溪中酒情懷增落莫
釀寒天氣太淒迷濛濛遠樹連江黯緩緩閒雲渡水低
最是深沈庭院靜海棠紅豔小闌西

麴塵漠漠絮綿綿
吹淡逾濃斷復連
南國有花皆入夢
東風無景不成煙
誰家帘影春波外
何處鐘聲落照邊
聽遍畫簾雙燕語
惺忪似怨薄寒天

迷離歸夢引王孫
黯黯蘼蕪碧到門
廢苑客來惟綠暗
畫樓人去易黃昏
六朝金粉都無色
三月鶯花默斷魂
回首舊游成惆恍
顰煙低鎖苧蘿村

看朱成碧費沈吟
一徑苔痕翠欲侵
楊柳簾櫳人悄悄
枇杷門巷畫愔愔
誤拋春色如塵細
鎖住閒愁似海深
莫向東皇問消息
天涯容易綠成陰

折楊柳詞

長亭折楊柳楊柳為誰春依依十年樹閱盡離別人

西泠感舊集句

青山明月夢中看百遍相過意未闌回首可憐歌舞地
更無人倚玉闌干

懷歸

乞食陶元亮登樓王仲宣生謀全未穩別恨動相牽
戡月驚彈指詩書誤壯年飢寒苦交迫吾自悔從前
知己天涯少浮雲世事非秋燈鄉夢短春水尺書稀
莫把窮途泪頻沾游子衣瞻言田舍好何事不言歸

秋柳四首用漁洋山人韻

一聲銅笛黯消魂
疏影斲斲月下門
攀折隨人空有恨
繁華如夢渺無痕
風霜已遍山前驛
煙雨猶含水上村
為報江南搖落甚
隋隄往事忍重論

蕭疏一夜點清霜
流水無情漫野塘
樂府早傳金縷曲
舞衣空疊翠雲箱
曉風離緒仍牽柳
春月丰姿尚憶王
曾向赤闌橋上望
綠陰低罨鬪雞坊

幾曾彈汁染征衣
萍絮三生事總非
漢苑年光隨處換
章臺消息近來稀
離亭夕照寒蟬咽
客路西風斷雁飛
枉說封侯動閨思
玉關人老願都違

霜花雪絮總堪憐
蕭瑟長途簇晚煙
秋以為期情脈脈

樹猶如此恨綿綿重來繫馬人何處驚起棲烏夜似年
記否舊時離別路斷腸都在灞橋邊

山村晚眺

落日黃無限荒村路曲盤雲歸山色淨風戰葉聲乾野
水田間繞炊煙屋角團遙聞砧杵急始覺客衣寒

燈花

憔悴生涯羈旅中寒宵坐對一燈紅年來好事都磨滅
枉向釵頭綴玉蟲

長至日

書卷謀誠誤光陰去復頻那堪長至日猶是未歸人貧

賤傷懷抱飄蕙媿此身近游吾已倦況敢說風塵

曉行

欲曙未曙雞臙臙催我匆匆束行裝曉星三五爛如月
照我書劍行寒塘薄寒中人遽如許暗風獵獵吹衣裳
山迴路轉村落小土牆瓦屋明繁霜槎枒老樹作人立
棲鳥啞啞猶成行年深短碣響窸窣何處風鐸鳴郎當
行行漸聞人語近早有犬吠疏籬傍須臾東望一回首
瞳瞳紅日升搏桑

寄陳畊鹿先生

詒新安

梅花如雪撲簾前別後相思閱一年白髮詩家高仲武

青衫幕府杜樊川
舊游風雨題襟集
暇日江湖載酒船
三十六峯雲不斷
可能采藥訪神仙

夜熱不寐 辛亥

夜熱不成寐
起步小樓梯
推窗新月落
一綫啣山低
微風動簾隙
銀河流將西
虛明涵露葉
林影散荒畦
晝晷飛羽蟲
喔喔鳴村雞
旦氣清若此
吾生豈沈迷

烏棲曲

城頭烏棲夜
擊鼓錦筵銀燭西
施舞西施舞
罷吳王歸
風寒霜重烏驚飛

九日

浙

每逢佳節怯登臨
雲物蒼涼自古今
不盡江流隨夕照
無邊木葉寫秋心
書難寄遠看征雁
衣未裝綿聽莫砧
開口笑無人送酒
黃花空綻一籬金

客居春晚百感交并歌以遣悶 壬子

男兒當作萬里游
軒軒意氣傾公侯
不爾一室聚萬卷
歌歎亦足消煩憂
胡為吹簫復乞食
飢來駭我非自由
可憐出入復苦愁
空手徒令壯士羞
男兒識字憂患始
君不見輕車肥馬誰家子

出門惘惘心斷絕
寸草春暉那報得
口中石闕更橫生
腹內車輪判轉裂
家人無言慘行色
對之不覺泪沾臆

可憐身世等飄蓬一事無成空太息
愁如亂絲不可理萬感茫茫那得已
春草春花易斷腸
可憐歲月如流水我生萬事多蹉跎
世路崎嶇奈若何
不如恣意且作達胡為抱膝徒悲歌

昔日

昔日凌波見洛妃娉婷曾記未勝衣
最憐碧玉年猶少
解道真珠世所稀十載重逢還問姓
一身無主又分飛
落花時節江南路往事悲涼泪暗揮

昔日清歌相府蓮泥人題贈衍波箋
當筵錄酒花能語
隔座拋鉤月正圓
一自芳郊埋豔骨空留廢宅鎖秋煙

垂楊便是傷心樹幾度攀條為泣然

安瀾園歌

風流宰相鳴珂里獨樂園從雲際起聞說相公全盛時
豪華一代真無比世家門第海東壩即是城南尺五天
愛日餘閒開別業手栽花木記平泉丹青金碧憑空湧
想見承平恩澤重經進新圖百幅摹標題宸翰雙
龍捧翠華幾度幸朱門侍從賡歌詔語溫此日池
臺皆生色此時魚鳥亦承恩親沾雨露稱家慶綠
酒紅殘觴詠競竇氏賓朋朱履同謝家子弟烏衣盛壘
石為山花氣浮花間丞相小車游燕釵蟬鬢芙蓉障鳳

管鸞笙翡翠樓豈期權樂難再得春風一去闌干漑歌
舞纔從複道回山邱已向斜陽泣舊家零落感西華從
此蕭條廢苑花木石漸看後人賣行人尚指相公冢白
楊吹老相公墓世間萬事都非故頭白園丁解送迎為
設往事泪如注我來惆悵吊荒煙一片傷心到目前孤
兔驚人馳蕙徑野棠開落自年年御碑亭冷蛛絲絡
輦道無人塵漠漠誰學驢鳴傍畫屏新堆馬矢齊粧閣
就中館殿最淒涼猶認當年七寶牀瓦礫土罇拋擲遍
乞兒向火一時忙吾家司馬官南省同時表特陳情請
故第祗傳旋馬廳墓田不置莊千頃兩姓門楣感盛衰

百年一夢不勝悲當時拙政園何在古木春風泣子規

題竹裏館圖

風篁成韻月來遲寫盡秋心靜裏知好是夜涼燈一點
竹山竹屋譜新詞

秋旱太甚偶酌虎跑泉有感

今歲苦不雨馬可田間行禾黍日以槁安望秋收成入
秋旱益甚爛漫天方晴禿髮舞女妓滌滌山川明我來
西湖上湖水坎不盈魚鰕任撈取草木無復榮晚歸客
館坐渴疾累長卿躁類楚猴沐喘似吳牛耕家僮頗解
事活火茶新烹問此升斗水云汲山泉清滋味我自辨

泉品曾著名竹鑪甕盃側未飲清風生瞻言場圃間風
日枯柴荆願將一杯水化作珍珠傾傾盆縱已晚稍慰
農夫情對此復三歎嗷嗷鴻哀鳴

泛濫潰河防烽煙苦邊事海內民力殘況復凶荒至誰
與濟時艱此事良非易吾儕殊多福蕭閒任位置談笑
傲義皇文章答賓戲有時不平鳴拔劍忽斫地咄哉汝
腐儒何由參末議憂時非汝分口腹乃汝累木饑夫何
言未必人為瑞問天天不言餘霞斂山翠佳茗不忍飲
躊躇無限意覩茲一勺泉盡是蒼生泪眼見流民圖還
怕催租吏

秋闈被放感述四首

三條燭燼夢依稀
慚媿頻遭坦率譏
豈有才為天所忌
祇疑身與世相違
事難稱意憑看劍
壯不如人好拂衣
博得狂言還自笑
尚留舌在未全非

百感中來不自由
幾人望眼幾時酬
難從鏡裏留青鬢
未向堂前慰白頭
有此艱辛成閱歷
無多才調太沈浮
知音更抱西州憾
不為窮途泪亦流

暗裏空勞摸索來
天涯原不少憐才
筏登彼岸憑超渡
風送神山輒引回
自媿封侯無骨相
誰能拔士到塵埃
樗材早計應藏拙
孤負春風着意栽

霜清木落氣蕭騷風急天空一雁高秋色似翻花樣錦
新聲羞唱鬱輪袍安知失馬非為福縱是亡羊可補牢
掃却愁煩無別法杯中物在且持螯

聞雁

一羣嘹唳向南飛湘水無靈信息稀我已飄蕩同落葉
秋風何限泪沾衣

偶題

碧杜紅蘭映水流驚鴻曾賦洛川游珠纒漢珮搖秋影
瑟理湘絃寫暮愁才子自來工綺語美人何處怨靈脩
仙槎一別無消息惆悵臨波十二樓

席上

酒綠燈紅引曼聲
玉纖銀甲夜調箏
尊前莫唱江南好
瓜步年來已用兵

元夜癸丑

天涯此元夕帶甲滿湖湘
不少張筵者吾思狄武襄

十九夜觀燈感賦

春宵沈沈滯寒柝
人在瑤天擁笙鶴
佳節喧闐月色濃

傳聞官與民同樂

時刺史命吏人為之
導燈有官清民樂四字
使君好事醪

金錢催取明燈簇
管絃魚鑰都開城
不夜鈿車溢巷沸

連天鬧蛾歌裏風
光麗火樹交枝香
細細翠幌低看景

澁縣紅樓不把歲寒開皓齒明眸絕世粧燕釵蟬鬢綺
羅香人生行樂須年少如此春宵樂未央祇今宇內方
多事誰濟時艱勤撫字早潦頻年天降災索錢橫暴催
租吏搔首乾坤萬事非黃流空涌感生機烽煙滿目關
河斷聞道樊城未解圍將軍椽燭開華宴如畫江山夜
傳箭別帳射生擁妓眠諸營起石椎牛膳棄甲歸來可
奈何天淮回盡駟黎首慘奔兵戈可憐此夜燈如月不照沙場戰
血多苦樂不均君莫慶軍胥已足為民病見說官今報
樂輸賣兒貼嬪輸官競轉眼看成樂極哀積薪厝火漫
疑猜願將一片光明燭徧照監門圖畫來

錢唐懷古

官

秋風澎湃捲江聲一曲神絃破浪迎終古靈旗含怒氣
幾人寶劍送殘生裹屍便合浮吳沼抉眼徒煩看越兵
孤憤千秋消不得莫潮猶作不平鳴

澄波一望葑田開合郡笙歌五馬來風月平章詞客意
湖山管領使君才綠楊陰裏吟鞭緩紅藕花中畫舫回
更憶詩筒傳妙句一時舊侶語蓬萊

開門節度志飛揚一旅江湖百戰場世亂朝廷皆劇盜
時來負販亦真王英雄老去耽情語富貴歸來樂故鄉
半壁東南資保障表忠碑碣尚煒煌

趙家天子亦無愁
桂子荷花賦冶游
幾見冰天生馬角
親書玉冊畫鴻溝
校場脂粉空千隊
畫院煙雲隘九州
回首鳳凰山下路
西風殘照故宮秋

西湖四時詞

西泠松柏影蕭蕭
芳草紅心柳綠腰
獨有深情查太史
落花尋徧第三橋

綺羅香簇麗人天
惆悵春游又晚煙
明日不妨扶賸醉
重來陌上覓花鈿

湖心亭子影沈浮
四壁荷花不斷流
日暮錦鳧香裏宿
水雲深處早生秋

不須結夏訪松寮只合尋詩破寂寥聽取吳孃歌一曲
望湖樓外雨瀟瀟

兩隄官柳冷差差殘照西風又一時記取秋來風味好
白蓮粉與碧莖絲

蟋蟀聲中萬籟秋呼燈兒女不知愁湖頭別有聞簫管
燭影搖紅出畫樓

畫圖一幅夕陽中風急天高響斷鴻獨向總宜船上望
青山斷處柿林紅

同雲罩影半模糊獵獵霜_風吹滿湖詞客閒吟新得句
依然寒色戰菰蒲

觀潮行

錢唐八月秋風高噴花滾雪來寒濤觀者如堵立江滸
但見銀山奔鯨鼈初看一綫浮江浦靈妃顧笑馮夸舞
旋聞鼉鼓千軍聲萬羣風馬蕭蕭鳴江心一折回瀾速
電掣雷轟動地軸洪波西下越山青葉葉帆檣去不停
潮平人散餘霞紫行江干幽思起空蒼新粧鬪麗人
曲江賦筆推才子麗人才子盡成塵惟有江聲秋復春
世事從來歸逝水西流嗚咽暗催人江頭野老閒相遇
語恐傷時君莫訴鐵弩誰收捍海功紅旗眼見駢濤怒
側身天地歎沈浮江水江花滿目秋翰與弄潮兒結伴

臨風歌唱不知愁

吳山謠

登吳山左右望天蒼茫雲蕩漾洪厓浮邱不可期動操
便令羣山響衣袂拂拂吹罡風丹青彷彿浮碧空芙蓉
旌旗靄仙樂瑤草生徧金庭宮俛視城郭如斗大萬家
塵煙衢達通江光匹練露林際翠黛影落明湖中我為
吳山謠感為吳山起胥山吳山名古不知幾誠年到此
登臨紛如螳文采風流安在哉名與山存能有幾山之
閱人應多矣吁嗟乎男兒富貴須少年不爾便當求神
仙安能齷齪老牖下坐使湖山笑人非豪賢

久雨喜晴

兼旬恒苦雨意外得新晴頓覺羈愁豁能令詩思清野
花沿岸落芳草繞垣生坐石聽流水悠悠望遠情

秋色

殘陽一角粉牆邊野草間花盡可憐倚徧闌干人不見
斷腸秋色又今年

馮小亭學使殉節詩

妖星夜射武昌城大節堂堂天不更奮笏忠真傳使者
鞬刀志竟遂書生明燈前導秋霄迥古井寒留止水清
風雨魂歸朱鳥哭靈旗遙望陣雲橫

漫興

天下孰英雄兵戈滿宇中
神州極寥廓軍士太籠東
塞草忠魂碧關榆戰血紅
纖兒休撞壞保障仗羣公
使者軍儲迫將軍幕府開
佩刀橫揖去濁酒露車來
劍履圍棋日江山聚米堆
待看傳檄定憑仗出羣才

題宋胡忠簡公遺像

三代直道自在民我思南渡忠節臣
上書慷慨明大義抗言豈憚批逆鱗
是時偏安局半壁冰天雪窖悲蒙塵
秦頭太重浙臉恥稱臣稱姓徒逡巡
小朝廷上竟求活畫地書冊輸千緡
公獨激烈斥和議請劍豈但誅王倫

柑皮字決將軍死猶欲隻手回千鈞除名坐謫分內事
惜哉朝內紛荆榛其畫鏝木大有識千金募之殊堪珍
孝廟入辟童直諒賜鏝足使公議伸十弔十賀尤痛切
舉朝之士皆嬾人言雖不用昭汗簡力圖恢復流涕陳
後車偕行帝意厚奈何不得抒經綸廬陵歸卧事著述
冰霜歷盡寒松筠惟公進退持大節名臣風骨何嶙峋
專祠俎豆自不朽豈徒丹青寫其真自來賢者必有後
流傳畫像及告身我一觀瞻肅起敬精靈奕奕搖星辰
從古浩氣塞天地此圖呵護當有神益州遺像晉國贊
相與炳耀垂千春

送春詞 甲寅

客中孤負看花期，況是春光似客時。
紅雨一簾婪尾宴，綠陰三徑斷腸詞。
催歸杜宇驚殘夢，遣嫁楊枝繞去思。
我本年年工別恨，消魂無限折將離。

滿天風雨似殘秋，寒重翻憐典敝裘。
我亦欲歸猶未得，春原有腳不須留。
綠波南浦江淹筆，禪榻茶煙杜牧愁。
花事闌珊意惆悵，酒醒旅館冷香篝。

芍藥四首和韻

闌干金碧夕陽天，沈醉東風憶往年。
歌倚銀箏詞緩緩，舞迴彩袖影娟娟。
蘭臺畫靜人如玉，畫省春餘吏亦仙。

便是相逢婪尾宴當階猶帶日華鮮

一聲杜宇已催歸佳麗何緣掩繡幃
藥簇瑤樓春似夢圍成金帶願都違
歲蕙香重蜂微抱婉孌姿穠蝶暗依
漫以芳名誇藥錄豐臺後古擅芳菲

紫府仙人問謫居朝來曾否綺霞舒
好攜詞客春風筆為展佳人錦字書
荀令熏香堪比似唐宮翦綵更何如
芳華不藉園官送取次調羹入詠餘

旖旎清芬不染塵一枝猶為惜餘春
承酥玉靨扶煙軟倒暈檀心浥露勻
靚美粧留波上影瑤琚佩稱畫中身
風詩莫漫歌相謔我是將離賦別人

我所思

我所思兮游俠兒
破家結客非癡千金之裘
五花馬
懽場相逐呼胡姬
一朝使酒便罵座
江湖亡命何所之
望門投止勸君醉
埋名複壁夫奚疑
吾儕相矜在意氣
藏頭畏尾終何為

我所思兮貢玉堂
置身清美登明光
修書夜半列椽燭
有時衣白臨戎行
書生料敵萬里外
賦詩橫槊聲琅琅
肘懸金印大如斗
戲下盡作諸侯王
功成挂冠尚年少
白雲親舍方回翔

我所思兮名
山游不願萬里取封侯
眼前五嶽起
笑兀

金庭石室窮冥搜不然擲筆凌滄洲
掉頭便拂珊瑚鈎江山如此足自放
覽勝弔古心悠悠成連攜琴宗炳操
回視塵世吾何求

我所思兮羅綺叢名園日日酣春風
錦綴鴛尾香鵲腦清歌一曲明燈紅
羣花皆笑容當醉留鬢不遺金尊空
嬾人醇酒信奇策信陵往矣吾誰從

我所思兮林泉居樹有鳴禽池有魚
春韭秋菘足自給寒梅脩竹圍吾廬
小軒面水淨几榻綠楊風動舞紅蕖
茶經酒譜左右列日長無事耽著書
頗疑此境非塵世青山的的臨階除

我所思兮金石交故人風度如醇醪禮法之士吾無取
箕踞岸幘真人豪清談且作晉人語嘗茶讀畫抽吟毫
奇書萬卷聚一室眼明頗足窮毫毛千秋之名身後事
但當飲酒歌離騷

消息 乙卯

消息真傳道路通軍聲今已震江東圍城蘇峻身難竄
棄艦孫恩計早窮白浪青燐悲往日蟻屯烏合想餘風
似聞將帥遷延甚坐擁偏師未進攻

旅館春盡見巢有紫燕一羣來巢啣泥梁間終日呢喃

感而賦之

和煙和雨撲窗紗
啄得芹泥共落花
節物我猶思故土
漂蕪爾亦到天涯
營巢未定來何莫
結伴相將語太譁
莫問烏衣舊門巷
江南回首總無家

客況

禽言不如歸去人
笑到處為家愁
裊游絲簾角夢隨飛
絮天涯功名落
寞身世書劍蹉跎
歲華苦憶故園三徑
綠陰多少飛花

西泠楊柳枝詞

西泠橋畔美人家
一樹依依半露遮
憑把十眉新樣畫
開粧曾否鬪繁華

寶勒驕嘶過錦塘
迷離認是永豐坊
舉簾一笑人何處
花外樓高倚夕陽

一顧傾城百媚生
早時聲價重金城
含顰凝睇遙相待
脈脈情波畫不成

碧玉曾呼小字來
芳年孌娜勝章臺
絲絲縮就同心結
不許東風暫解開

一生管領是春風
脩短穠纖奪化工
明鏡偷窺好顏色
湖光遙射碧簾櫳

不盡纏綿又夕暉
娉婷綽約是耶非
纖腰舞罷嬌無力
扶上香車緩緩歸

遠山相映翠氤氳陌上風光草亦薰
曾記隔隄低拂處
有人臨水自渝裙

者番浥露復含煙媚態橫陳我見憐
自怯春寒扶不起
日高猶學漢宮眠

悄無言處送王孫恨上眉尖鎖翠痕
不為愁人縮離別
曉風殘月最銷魂

十年情事未曾銷又過垂楊舊板橋
忽覩瑤枝感今昔
溼雲如夢不能描

曾向秋千架畔過綠陰惆悵眼前多
春來總是傷心樹
攀折臨風奈若何

萬縷千條漾麴塵可憐青眼屬何人
春歸今已無消息
一路垂垂莫問津

濯濯當門望眼迷殘春拋撇又東西
年來儂亦腰圍減
不道清陰尚滿隄

桃根桃葉共飄蕪玉笛吹殘湖上亭
罷聽黃驄歌一曲
可憐昔日尚青青

垂條宛轉不勝柔繫馬湖邊賦冶游
今日相看生意盡
縱無風雨也低頭

相逢萍水又何時泥絮因緣總不知
惟有情人橋上月
清光還解照相思

燕子聲中落照殘
毵毵疏影上闌干
縱然金縷衣如舊
祇是蕭郎不忍看

喚船歸去夢江南
憔悴青衫酒半酣
別有攀條無限意
樹猶如此我何堪

寄答錢鐵江茂才保塘

對月相思暗愴神
飛來窈札感情真
頗驚家道顛連語
同是風塵困頓人
入室清談椎髻嬾
安貧樂事白華身
團圓已分吾輸爾
莫歎窮途氣未伸

客舍對月

客居無聊睡未成
月光如雪窺簾旌
涼風天末動歸思

秋心脈脈秋河橫天涯一樣明寒兔烏鵲南飛繞江樹
可憐此夜搗衣聲腸斷江南苦征戍祇我離家又入秋
歸期難定使人愁料應暗卜金錢罷明月光中倚小樓

次盛子屏茂才炳燿以感懷詩四章見眎依韻和之

酒酣擊筑泪縱橫芒角真從醉裏生九命文空傷我輩
一車鬼笑閱人情任教鄉里輕孫楚豈有才名誤馬卿
脫却吳鉤縣壁上夜深猶作不平鳴

自非騏驥服鹽車身世勞勞感鬢華閱歷始知貧是病
窮愁何事客為家味如雞肋原無取食久猪肝益自嗟
聚鐵不堪頻鑄錯算來曾未穩生涯

茫茫恨海杳無邊
讀罷君詩益惘然
但可安居胡自苦
不因同病肯相憐
便當涸轍難求活
若舐餘丹早得仙
避統封侯何限事
底須呵壁問蒼天

衣鷄馬狗滿黃塵
浮世功名夢裏身
我已難言心上事
君今同慨眼中人
刻舟早識難求劍
曲突徒勞更徒薪
贏得悲歌聲激楚
幾回泣鬼復驚神

吳門女冠行

吳門女冠好眉嬾
紅顏命薄飄蕪苦
茫茫四海一身孤
絕少江南乾淨土
自言家本住邗江
赫赫門楣祭戟雙
諸父日南持玉節
先人輦下領油幢
左芬最小嬌無匹

掌上明珠憐慧質弱能吟謝女詩綺齡便弄諸兄筆
臨鏡窺粧花滿樓知書侍女下簾鉤牽絲選得無雙士
投卷才誇第一流凌雲賦罷遷官去移家喜近金陵住
男兒自古覓封侯骨月而今同一處何期妖焰竟鴟張
夫壻中宵一戰亡計決割刀偏不死從來剗急慣倉黃
噉粧滿面驚魂定蛾眉蠶擁傳呼進學舞羞排粉黛行
當筵強隸胭脂障甲帳花圍引曼聲玉纖勸醉酒頻傾
如姬符早中軍竊紅拂粧還使者更脫離虎口身無主
恰喜歸船下淮浦險阻艱難到故園傷心一片成焦土
剗後昆明水亦寒烏衣門巷盡摧殘粧樓粉碓無尋處

衰草斜陽戰血乾
回頭如醉還如夢
子閒街自悲慟
前路方愁伴侶稀
後塵又駭軍聲衆
昨夜將軍竟出師
空城便是受降時
一鞭駟奈搜牢卒
零落花鈿勢不支
明朝調遣襄陽戍
道旁棄置匆匆去
舊事拚成濁水魚
妾心已作沾泥絮
麻姑泪眼閱滄桑
潛入吳閭選佛場
新翦黃純甘入道
暗摩銅狄怨興亡
韓娥歌罷吞聲泣
行復吹簫同乞食
餘生歷盡亂離年
憔悴雲衣好顏色
坐客聞言起歎嗟
關山鼙鼓總無家
漫揮司馬江州泪
忍聽文姬塞上笳

月夜歸舟

浙

塵夢勞勞幾卸裝扁舟今夜泛湖光窗中月影自來去
枕上櫓聲時短長久客似忘菹菜味還家新喜桂枝香
滿天風露清如水飛起蘆灘雁一行

送許趾珊寅之淮上

有才不遇如許子拔劍斫地刀斷水中年混迹狗屠間
鳳泊鸞飄竟如此嗟君個儻太憨生好酒好色兼好名
浩歌陡發鬼神泣設笑風生流俗驚蔡生富貴當自有
孟公揮霍更無偶千金散盡還復來鄉里小鬼羣拍手
廡下棲遲又幾春典裘質馬亦留賓囊空羞涇英雄面
乃復飢寒傍路人秋深別我從軍去千山紅葉淮南樹

用太白
白

行李蕭條書劍寒
運租船上吟詩處
客路長亭復短亭
鄉心隨雁下遙汀
亂餘故舊凋零盡
戰後關河草木腥
天涯尚自苦兵革
行路多難何作客
軍府休論借箸功
因人勞落非長策
勸君健飯早還家
看取星星兩鬢華
唱罷驪駒拂衣去
荒城殘照隱悲笳

寄錢鐵江

風雪懷人道路難
殘年旅思渺無端
多文豈免書驢券
好異何須食馬肝
羨子田園深棧戶
每傳書札勸加餐
何時共逐山公醉
得意羞彈貢禹冠

負米年年陟岵吟
萱花久失北堂陰
驚君亦輟慈烏哺

從此俱傷寸草心多病未齎磨鏡具感時莫打失巢禽
生涯潦倒無如僕欲寄相思泪滿襟

歲莫賦歸

敝敝依人廡下居打包行腳此歸與英雄古有捉刀代
名士今真畫餅如伸縮泥塗憐尺蠖死生文字笑書魚
江東米價憑君問去去應乘下澤車

題竹垞老人風懷三百韻詩後 丙辰

綺語銷磨憶少年春江花月並嬋娟最憐月缺花殘夜
彈到離鸞第幾絃

新翻子夜洞仙歌燭滅香銷奈爾何記得瑤閨心膽怯

拂簷蝙蝠撲燈蛾

曹家碑字斷人腸
隱語思量第二行
任是崔徽圖畫在
也應小像刻沈香

本來傳恨是空中
筆墨因緣色相空
何事冷豚供兩廡
風流須讓竹垞翁

贈別徐子勤茂才

寶田

歸龍游

河梁祇在一尊前
後會相期益惘然
不為艱難何作客
但能閒散勝登仙
君真骨月論知己
我已塵埃誤壯年
戎馬關山更何極
斷腸分手各風煙

答鍾六餘茂才學文見贈

廡下傭書負壯心每逢佳節怯登臨
離人弑月回文錦游子情懷寸草吟
塵鬢西風驚旅夢征衫寒色上秋陰
年來諳編淒涼味何意牙琴得賞音

偶飲村店醉後漫題

出門西笑首頻回有約閒行野店來
暮雨溼餘游子履秋風吹上酒人杯
賞音自有我知我處世終宜材不材
爛醉狂歌堪作達盡判懷抱一時開

長至日客中飲集步月夜歸口占

年年至日客中過潦倒尊前喚奈何
入座清談霏玉屑歸途涼影浸金波
放狂判踏瑤瑤碎作達真澆壘塊多

此夜寒燈愁不寐可憐風月易銷磨

浙江圖書館

卷之八



浙江圖書館



浙江圖書館



浙江圖書館

浙江圖書館善本

地址：015393

一九八一年四月



浙江圖書館



浙江圖書館

浙江圖書館善本

乙登記號：015398

一九 年 月 日



浙江圖書館

浙江圖書館

浙江圖書館

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black


Centimetres

Inches

鏡海樓詩稿二

浙江圖書館





Inches

Centimetres

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black